



Senin, 01 November 2021
Ogen: Esekiel 17:22-24



“Aku Kap Tuhan Dibata”



Melala jelma bas doni enda lanai ngergaken Dibata. Tupung ia senang nta pe tupung ia susah. Erkiteken, jaman gundari enda manusia nggo melala mengandalken gegehna. Bahan renungenta sendah ngajari kita segelah kita tetap mengandalken Tuhan bas segala situasi. "Aku kap Tuhan Dibata:, si jadi pengajuk man banta i bas bahan renungenta erpalasken Esekiel 17:22-24 enda. I bas kerina kecibal kegeluhen Esekiel tetap nggeluh erpengarapen man Dibata. Tuhan si erdolat e nggo melasken kata segelah kerina perpulungen bas kerina bangsa-bangsa pe nggeluh tetap erpengarapen man Tuhan. Paksa kita nggeluh erpengarapen man Tuhan, kita ibaba nggeluh ngerembakken diri ras Ia, seh maka ngasup kita ngakuken Tuhan e kap BapaNta nta pe Dibatanta. Kalak si nggeluh erpengarapen man Dibata bali bagi persinget Esekiel nandangi bangsana, : "*Kubuat pucuk batang asis si meganjang, kupenggelken dahanna i nguda, kusuanken i datas deleng si meganjang. Dahan-dahanna turah, jenari erbuah, kedungenna jadi kayu si mbelin (ayat 22-23a)*". Bagin enda ngatakenca man banta kerina, kalak si nggit nggeluh ras Dibata, isuanken me ia bas kegeluhenna seh maka turah kinitekenna guna ndalani kegeluhen enda. Enda me pengakun si ipeseh Esekiel man banta kerina seh maka Dibata mereken kesangapen bas kegeluhenta enda. Tuhan erdahin man kalak si erkemalangen man baNa. Pucuk si turah e mpeturah kiniteken si mbelin guna jadi geluh si mbaru si erbanca geluhta pe ersikapna i lebe-lebe Dibata. Kiniteken si kerah, jadi erlau i lebe-lebe Dibata, kegeluhen si kote banci jadi megegeh i lebe-lebe Dibata. Kata enda me si ibaba Esekiel man bangsana, bagepe man kita kerina si merenungken kata enda. Tuhan nggo mbelasken kata enda, la banci lang bage pagi jadina. Tetaplah erpengarapen man Dibata i bas paksa senang nta pe susah.